

1

Beliefs about Sefhikantswe.
K618118.

Mo Sesothong sa Bakgatla ba Mosetlha, le ba-Mmakau le mo Matebeleng a Mfatlha go na le selo se go thweng ke Sefhikantswê. Sefhikantswe go thwe le bagolo-golo ka mphela ba se itse, ka gore se thomilwe ke bona. Bakgalabje ba re se thoma jaana, fa go sule motho, monna kapa mosadi mme lebitla la gagwe la ba gaufi le tsela, ya re fa basepidi ba feta seriti sa moso sa tsoga sa ba thibela pele kapa sa gunolla dikgomo tsa bona fa di bofeletswe kapa sa ba timetsa. Batho ba tla itsisa Bakgalabje ba re golo mo ga go fete motho. Ba re batho ba mofuta wo ke ba ba swetseng mo golong ga bona.

2

Janong fa seriti setshwenya jalo, ke gore ga se batle motho a feta moo a sa dumedisa sona. Mme mokgwa wa go dumedisa golo fa, batho ba thoma go konopela ditlhajana kapa go baya mantse mo lefelong la mofuta wo. Janong e tla ba molao wa motho yo mongwe le yo mongwe ga a feta mo o latlhela letlhakana teng.

3

Ka tumelo ya bagolo-golo go thwe fa o ka feta golo mo o sa konopela selo, o tla tlelwa ke matshwenyego kwa o yang teng, motlhampe o tla wela ka mosima wa robega leoto kapa wa gumane lesa ko o yang kapa wa tingwa ke batho metsi a go nwa. Ba re fa motho a sa itse gore golo mo ke/sefhikantswe, a ka se ke a tlelwa ke kotsi ka gore a na sa itsiswa.

Sefhikantswe se mofuta e mebedi se sengwe se irwa ka mantse, se sengwe se irwa ka matlhaku kapa dikala tsa ditlhare. Mokgobe wa Sefhikantswe sa mantse o kwa gaufi le Madi-matlo mosima wa badimo, fa batho ba feta teng yo mongwe le yo mongwe o konopa lentse teng gore badimo ba mo roballe le kwa a yang. Se sengwe se kwa mokgathong wa ba-Mosetlha le ba-Seabe ko gaufi le Masobe, sona ke mokgobe wa matlhaku le dikalana. Fa motho a fetela ga Mosetlha o latlhela kala, ga a fetela Masobe ka tsela ya Seabe o latlhela kalana gape.

4 Fa motho a latlhela kala mo Sephikantsweng, o gamela kala ye ka moya wa gagwe a re gu mo kaleng; ka go ira jalo ke gona a robatsa badimo. Mme fa a gametse kala kapa lentse le, o le baya mo ga Sephikantswe.

5 Bakgalabje ba re Sephikantswe sa mantse se ne se fetoge thabana ka mokgwa wa go beiwa mantse jaana, Sephikantswe sa matlhaku ka nako e nngwe se kanyana ka gore fa batho ba fisa naga le sona se fiswa ke mollo mme se fokotsege. Ba re se se kwa gaufi le ga Mosetlha go ile ga swela monna teng mme a tshwenya thata go sa fete motho teng, e re fa tsatsi le wela a thome go thibella batsamai go feta. / Go thwe ke sa kgale thata Sephikantswe se ba re ke sona medimo le metheo ya letshe. Ba-Mosetlha le Bagwaduba fa ba nna mo ba leng ka jeno ba ee gumane, mme ba nna ba se godisa ga ba feta teng. Sephikantswe se se leng ntsha ya Madi-matle, go thwe ke sa mo go swetseng kgosi ye nngwe ya Bakgatla ba Mosetlha. Sephikantswe ke lebitla le gaufi le tsela mme la motho yo a neng a sa robale le janong fa motho a feta go sona o ira molao wa sona.

6 Go na le selo se sengwe kwa Mfatlha se bitswa mmoletso ke gore o ya beeletsa. Fa o le mo o yang o tsaya lentse o le baya mo godimo ga setlhare, ka go ira bjalo ke gore mo o yang o gumane dijo di lokile, o fitlhe o je fela. / Ga e le mo nageng e se nang mantse motho o bofa bjae a fete, gore a tle a se ke a gumana dijo di fedile. Fa o tloga Tsiditsane go ya morago ga dithaba o tsamaya ka tsela, o ka gumana ditlhare di imelwa ke mantse a a beng a beiwa ke basepidi gore ba tle ba wele dijo mo ba yang. Fa motho a sa ira bjalo, ba re o tla gumana batho ba feditse go ja. Le ka jeno mo ga Mfatlha ba bangwe ba sa ira mokgwa wo fa ba tsere leeto.

7 Go na le selo se sengwe ba re ke sa bubu, selo se ba re se tshwara motho matlho se mo timetse kwa yang teng, a ba a robale nageng. Fa motho a itse go e o timeditse ke sa-bu^{bi}

7 mme a rata gore se apoge, o nna mo/gatshe a budulale nakwana fa a bula matlho gape, o tla itse kwa a yang gore ke kae. Sa-bubi se rata naga ya letsha le leokana ya setloko.

Monna yo mongwe wa Ba-Mokgoko Dafita o kile a fitlha mo ga Kgwele a timeditswe ke sa-bubi, o ne a tswa ga Kgopa a re ke ya Matswainyaneng gae ga gae, a timetswa ke sa-bubi sa mo isa tlung ya Kgwele. Fa a fitlhile ga Kgwele ba mmotsisa gore o ya kae a re ke ya gae ba itse gore o tshwerwe ke sa-bubi, mme ba mo nametsa lebotana, ba mmotsa Modimolle, ga a bone thaba ya Modimolle sa-bubi sa apoga, mme a tshwara tsela a ya gae. Mo nageng tsa dithaba sa-bubi ga seteng, bagolo-golo ba re se rata naga e se nang dithaba.

8 Mokgalebje wa ba Kgwele mmina phofu ya agileng mo gaufi le (Vaal Water) o re metlhong ya bona mo dithabeng go ne go bonwa metlholo. Ka nako tee dingwe fa ba tsoga ba ne ba bona koloi e tshweu e tsamaya mo dithabeng tsa Enoloso e sa laisa selo e gogwa ke dikgomo.

Mokgalabje wa Motlhabane Mose ya a agileng Lebotlwane o paka gore fa ba sa le Moseka le Tsiditsane ba ne ba bona batho mo sebake-
ng sa legodimo ka Bosobela-tsatsi ba salane morago e sa le ka
mosong, ba rwele merwalo ya bona. Batho ba go thwe e ne e le
Ba-Leaka, metlholo ya badimo ba kgale. Go thwe ga go itsewe gore
ba ne ba ya kae, fela ba re ke gore badimo ba ne ba sa le gaufi
le batho.

END. 5423